

週次	俗諺教學內容	意思
一	春南夏（hē）北（pak），無水磨墨。	春天若吹南風，夏天若吹北風，就袂落雨，所以可能會產生洵（khó）huānn 的機會，所以連一滴滴仔磨墨的水攏無。
二	一喙傳一耳。	就是『爭相走告』的意思。
三	講會到，做會到。	是講一個人袂清彩黑白答應別人的要求，煞無來守信用。
四	家己種一木叢，較贏看別人。	羨慕別人抑是若欲靠別人的幫助，不如靠家己的拍拼較實在。
五	立春，雨水到清明。	所以這句的意思是，立春彼工 nā 是落雨，一直到清明這站（tsām）落雨的機會會較濟，甚至雨會落到清明。
六	燒一支清香，較好剷豬屠羊。	誠心求拜比提剷好的豬羊去服侍（hók-sāi）神明攏較好。
七	食緊弄破碗。	這是講：「咱人做事閣愛一步一步來，若無顛倒將代誌舞歹去。」
	家和萬事興。	一家伙仔若會使團結起來共同為家庭拍拼，若按呢，這種團結快樂所帶來的力量，會使予一个家庭興旺起來。
九	六月一雷止九颱，七月一雷九颱來。	佇農曆六月的時聽著霆雷公聲音，表示袂有風颱會來。毋過 nā 佇七月的時聽著霆雷公的聲音，這時陣表示風颱會一直有產生的機會。
十	田螺痛尾。	田螺欲煮進前愛先將伊的尾溜鉸掉，按呢欲軟螺肉才會好軟，若無就愛用齒戳仔鬥撓才有法度食著螺肉。所以伊的意思就是是講做代誌愛先想後果是啥。
十一	紅花袂芳，芳花袂紅。	勸人毋通用外表來判斷一個人。
十二	七跤戲報萬兵。	虛張聲勢之意。
十三	一腹火燒到耳仔尾。	這是咧講一個人非常的憤慨、受氣的意思。
十四	三年一閏，好歹照輪。	簡單講就是「時來運轉」的意思。
十五	六月立秋緊溜溜，七月立秋秋後留。	這條諺語有人讀做：【六月立秋緊溜溜，七月立秋秋流油】，熱到油就流出來囉，可見伊的威力有偌大。
十六	平安就是福。	會使逐工平平安安過日子就是一種福氣。
十七	九月九降風。	農曆九月的時，天氣真好，金門已經進入洵（khó）huānn 的季節，落雨的量非常非常的少，風煞愈吹愈強，三不五時 koh 會有強風吹來飛砂走石，這就是一般所講的「九降風」。
十八	張天師被鬼迷。	有智識的人顛倒去予智識淺的人騙去。
十九	大狗攀牆，小狗看樣。	這是咧講序大人要做好模樣予囡仔看的重要性。
二十	惡馬惡人騎，胭脂馬拄著關老爺。	一物剷一物的意思。